

大清光緒二十一年

本館新聞除禮拜外日出一
紙諸君賜閱本報者無論
本埠外埠均可致本館取
閱如外埠閱報加寄費可
也除日報照常刊送外復
惜工本從英國採辦釘書
刊印書籍單件並有英國各
體活字及各式花邊等延有
西人排印工藝甚精所有中
西文字均能刊印並有石版
印字大小機器均用精工刊

第三千六百七十三號

申報

(號一十第牌門口虱巴舊在設開館本)

印工級絕倫並延有文士書
寫各體文字現由上海購到
各種書籍出售其書目另行
刊佈所有各項甚相宜再
本館所登來札原擇其有關
世道人心者附登否亦須無
礙於人而後始錄其有謬
成文以及支離費解者概不
登報嗣後諸翁來札尚祈
自諒更須寫實里而後敢
登但來稿登與不登均不能
將原稿收回也 本館謹白

甲午正月十五日

英大一千八百九十四年二月二十二號 每張售錢五文 每月一元 每季三元 每半年五元 每年十元 凡告白者請向本館接洽

延請蒙師 ○啟者本館欲延聘蒙師一人教授子弟讀書從學諸童約有十名之譜但其人須
操漳音及不吸洋烟者方能合用 諸君有欲應聘者請至本館面商可也特此佈告 本館謹啟

禧函出售 ○本館歷屆殘年即預製錦箋印成賀年函札以應 諸君投寄親朋所用現存已交
臘月而本館新製賀年小啟亦已告成款式甚多莫不翻陳出新別開際色箋紅紙任人所好 諸君有
欲購用者請即 玉臨選沽為盼 本館謹啟

甲午年月份牌發售 ○啟者甲午年中西月份牌本館現經印竣不但歲時氣節毫無舛悞而且
字畫玲瓏印工潔淨殊堪悅目無論素面着色均任選求 諸君購用請即 玉臨臨至或販賣處沽則
價值更從廉取特此佈告 本館謹啟

諭旨恭錄

正月初三日奉 上諭朕欽奉 慈禧端佑康頤昭豫莊誠壽恭欽獻皇太后懿旨 醇賢親王福晉每年
着加賞銀三千兩欽此 同日奉 上諭朕欽奉 慈禧端佑康頤昭豫莊誠壽恭欽獻皇太后懿旨本年
六旬慶辰妃嬪平日侍奉謹慎允宜特晉榮封敦宜皇貴妃着晉封敦宜榮慶皇貴妃着晉封瑜貴妃
瑜妃着晉封潤貴妃着晉封晉封晉封瑜貴妃着晉封瑜貴妃着晉封瑜貴妃着晉封瑜貴妃着晉封瑜貴妃
慈禧端佑康頤昭豫莊誠壽恭欽獻皇太后懿旨本年六旬慶辰推恩懋賞在廷臣工克勤職守宜力有
年應一體加恩以光盛典協辦大學士吏部尚書麟書着交部從優議叙協辦大學士吏部尚書徐桐着賞
戴雙眼花翎戶部尚書熙敬着賞加太子少保銜並交部從優議叙戶部尚書翁同龢着賞戴花翎並賞用
紫紅纓禮部尚書崑岡着賞戴花翎並交部從優議叙禮部尚書李鴻藻着賞戴雙眼花翎並交部從優議
叙兵部尚書烏拉喜崇阿着交部從優議叙刑部尚書松桂着賞戴花翎並交部從優議叙刑部尚書薛允升工
部尚書懷塔布均着交部從優議叙工部尚書孫家鼐着賞戴花翎並交部從優議叙理藩院尚書松森着交部
從優議叙都察院左都御史敬信着賞戴花翎吏部左侍郎壽蔭着交部從優議叙吏部右侍郎廖壽恒戶部左
侍郎崇禮均着賞加太子少保銜崇禮並賞穿黃馬褂戶部左侍郎張蔭桓着交部從優議叙戶部右侍郎
陳學芬着交部從優議叙禮部左侍郎長麟着賞加頭品頂戴並交部從優議叙禮部左侍郎錢應溥禮部右侍郎
郎景善均着交部從優議叙禮部右侍郎李文田着賞戴花翎兵部右侍郎那克們泰兵部右侍郎徐樹銘刑部左
侍郎那阿克丹刑部左侍郎李端芬刑部右侍郎裕德刑部右侍郎龍濟霖工部左侍郎鳳鳴工部左侍郎汪
鳴鑾均着交部從優議叙工部右侍郎那英年着補授工部右侍郎那德和交部從優議叙理藩院左侍郎志願理藩院右
侍郎那慶福倉場侍郎那祥麟倉場侍郎那許應歐均着交部從優議叙盛京戶部侍郎那綿宜着交部從優議叙盛
京禮部侍郎那文興盛京兵部侍郎那啟秀盛京刑部侍郎那英照盛京工部侍郎那鳴秀均着交部從優議叙盛
古都統恩佑着賞加太子少保銜正白旗漢軍都統定安着賞戴雙眼花翎副都統廣忠着賞
加都統銜內務府郎中文琳着賞加侍衛銜欽此 同日奉 上諭朕欽奉 慈禧端佑康頤昭豫莊誠壽
恭欽獻皇太后懿旨本年六旬慶辰所有南書房上書房行走各員供職克勤宜加恩賞都察院左都御
史徐郁着賞加太子少保銜國子監祭酒陸潤庠着賞加三品卿銜國子監司業吳樹梅着賞加四品銜翰
林院編修張百熙翰林院編修陸寶忠均着賞加五品銜徐鼎霖陸潤庠吳樹梅張百熙陸寶忠均着賞戴花
翎兵部左侍郎王文錦工部右侍郎那德會禮部右侍郎那德會禮部右侍郎那德會禮部右侍郎那德會
翰林院侍講張仁黼五品銜翰林院修撰曹鴻勳均着賞加四品銜六品銜翰林院編修高慶恩着賞加五品銜欽
此同日奉 上諭朕欽奉慈禧端佑康頤昭豫莊誠壽恭欽獻皇太后懿旨本年六旬慶辰在廷臣工業務降
旨加恩因念各省文武大臣有久膺重寄卓著勤勞允宜同膺懋賞大學士直隸總督李鴻章着賞戴三眼
花翎伊子李經羲着以員外郎用兩江總督劉坤一著賞戴雙眼花翎陝甘總督楊昌濬着賞加太子少保銜
四川總督劉秉璋閩浙總督譚鍾麟均着賞加太子少保銜湖廣總督張之洞着交部從優議叙兩廣總督李
瀚章着賞加太子少保銜雲貴總督王文韶着賞戴花翎並交部從優議叙河東河道總督許濬振漕運總
督松椿均着交部從優議叙江蘇巡撫奎俊安徽巡撫沈秉成山東巡撫福潤山西巡撫張煦河南巡撫裕

諭旨恭錄 ○十二月十一日奉 上諭巡視北城御史恩鴻等奏參捕房地廢之將弁請旨交部議處等語據稱該御史等屢出查夜並無弁兵巡邏捕房無人看守會經該部司會崇蔭守備王玉春等置若罔聞捕房實屬廢弛會崇蔭王玉春均著交部議處南營參將鮑鴻泉遊擊屠福均有地面之責亦未能實力整頓著一併交部議處仍首玩泄即由該御史等隨時奏參著步軍統領左右翼總兵嚴飭營汛各官一體認真巡緝不准稍涉疏懈欽此同日奉 上諭巡視北城御史恩鴻等奏請續發煖燠米石一摺京城梁家園百善堂煖燠收養婦女前經發給食米三百石本年就食貧婦眾多不敷支放加恩著再賞稻米一百石交該御史等督同紳士妥為散放除依議該部知道欽此

英京電報 ○十二日英京發來電報云倫敦下議院現因上議院將聯合地段章程諸多更改之故院內議員多不允從所改而行且連權黨內議員現均附和請廷臣然則此事將來恐不免一番爭執也

畫界展期電報 ○十二日英京發來電報云理藩院侍郎在議院內對眾言曰暹羅英江畫界之事現須展至秋涼始能舉辦至所以如此遲遲之故緣暹羅天時不台故不得不延至此時也

德國電音 ○十二日英京發來電報云德國在克勞伯廠所製之一等戰艦名曰勿蘭丹墨計大有一萬零三十三噸其機器可抵馬力八千匹現該船乘輕告緩不意於試水之際有汽筒一枝忽然爆炸致傷船中之人七名而受傷至死者竟至十一名之多是亦可謂災生無妄矣

勿刺地電音 ○十二日英京發來電報云勿刺地國里奧然尼福省港內所泊各國戰船現其海軍等多患黃痘之症云云該報不習水土之故以至於此也

輪船相碰案訊定 ○本坡德源號之德成源輪船與其代理安和號之永和輪船在牛乳港附近相碰兩船均遭失水以致死傷多人一案本報業經登錄現此案於初九日已由巡理府正堂會同戰船管駕官及船政司二員陞堂審訊迨至十一日始經訊畢十二日即經會審人員斷定言永和司舟將及相碰之時并不將輪慢駛實速航海章程第十八條海關離岸各因判將其司舟照暫停三閱月至德成源司舟則判令航工駕駛亦違航海章程第廿一條亦將其司舟之憑照暫停三閱月而德成源航工穆拉油人未據申如謂因見永和行近乃并不通知司舟亦不將單暫停抑或將輪緩駛厥咎亦有甚重云云時有某會審人員之意獨與諸員不符曾德成源之司舟雖云有不合之處然亦不至將其憑照撤停三閱月云云此案於斷定之後兩造狀師乃向公堂陳請謂現該司舟之憑照業經暫撤因求暫賞回大關之憑照俾得以覓食營生云云嗣經會審諸員議定准予所求而案遂結

工部局報章 ○頃閱本坡工部局報章云西一千八百九十三年該局所收租稅等項共有七十萬零四千八百二十八元一角九占而是年所支之費則共六十萬一千零一元七角至其賦稅之大宗則門租一項共至三十萬零八千八百餘元手車牌稅共至五萬二千一百餘元巴風餉稅共至七萬二千八百餘元家內水喉之稅共至十一萬零六百餘元又修製自來水喉所售物料各項計銀二萬餘元以上乃其進款之大宗也爰特刊登以資查覽

印藏商約續聞 ○昨報印度國家派員與中國使臣議定通商條約一事茲接前途續信云此約之立以訂行五年為期滿再議否應更改而在藏地之野東境內設立通商之埠準內中英商民均可於斯互市而此約係於西五月一號舉行至於印度國家可以派員駐紮於斯以監視英商生理中國并允准在於該處預備屋宇與該處英員及英商等居住其餘通商約條另行議立茲不具載云

毒藥案過堂 ○昨報實得力太唔士西報館內傭工西人荷禮里夫妻膳後忽同患病疑係中毒所致因將其海南役人執獲該役供出三人概行獲案一事茲查處役名黃德成所供之三人一曰王亞柱乃海南人一曰李脫一曰李亞必則閩籍人此案於十二日已經府尊提訊訊究惟向未能畢訊命將案展至十八日再行集訊

屠所新規 ○本坡工部局在甘公西貢暨甘公加薄所建之屠房前日曾經試宰一事去歲閱本報曾經登列茲悉工部局經已出有告白定於西三月一號即華本月廿四日起嗣後該屠房內所有豬羊牛隻均須遵照新章至該屠房宰割宰如有不遵即作違例論將其本年屠戶牌照繳銷但於廿四日以前如有諸人前往該屠房所中試宰者准其自命工件前往該屠房分文不取云云是亦諸屠戶所宜知悉者也

牛車傷人 ○閩人某甲駕駛牛車為乘十二日驅車而出為人載貨畢駕其空車道經小坡正興街詭駕車兩牛忽然盡力狂奔其欲制之不可詎奔至新嘉厘街之處適有東洋車一輛上坐穆拉油人二名迎面而至該牛車猝然駛近欲避不及故被牛車撞傷該手車即輕碎壞幸車夫急足跳避惟車內兩人則不免被牛踏傷腿足時幸來往人多見事不平相與將牛車扭住而傷者欲為鳴捕乃經諸人調處着甲補回湯藥之資嗣甲獲索身中祇存洋銀一元乃以給醫傷者其事遂了

嬰兒異狀 ○有友自曼坡來叻者據言曼之五條港武吉甘榜地方有穆拉油人名亞二沙禮者娶妻詩那蚌胎早兆於月之初四日

...


售發酒池蘭萬中利申



啟者本行所售之萬蘭池酒最稱佳製而此酒係於一千六百二十四年即創製通行歐洲境內至今傳至其會孫如法做造故其酒馳傳遐邇最擅銷場此酒係在法國製造素馳名譽諸君試飲即知其酒之佳今本行特運此酒來叻應沽諸君有欲零沽者可向錦興號安祿公司玉哲公司允吉公司諸家採買倘若沽用成起者可至前麗如銀行巷內本行詢問便得此佈

大英一千八百九十四年正月廿三號
大清光緒十九年十二月十七日 吉來乙洋行謹啟


頂上鐘鏢 萬蘭池酒發兌



啟者本公司近由歐洲辦到頂上萬蘭池酒來叻發售其庄係作鐘鏢香味異常芳烈凡輕酌飲者莫不盛稱此酒之佳茲特將此酒票列登告白佈明 諸君賜顧請至葛士兄弟洋行隔鄰樓上本公司選購并祈細認此標并有華字小票黏於樽上方不致誤特此佈聞

大英一千八百九十三年八月五號
新嘉坡峇知里彌公司謹啟 天

新到脚踏快車發賣



啟者本公司現有脚踏快車出售其車輕巧利便最能耐久且快捷異常無論雙輪三輪各式俱備前於西七月六號及九號時曾有人以本公司所售之車與他號之車賽相而本公司之快捷者洵稱第一妙製此等快車最合於東方各埠所用而且價甚相宜 諸君賜顧請移玉至士庫街第十二號門牌本公司內面商便得此佈

大英一千八百九十二年七月三十號
光緒十八年閏月初七日
新嘉坡峇知里彌公司謹啟 天

啟者本廠於本日已在叻地開張專伊向各處購辦貨物來叻應沽而本廠沙井專辦之馬標種作及開礦等各項器具發售至本廠設在土庫花園邊迷打里路第C七號門牌 諸君光顧祈即惠臨為盼

大英一千八百九十四年正月四號
大清光緒十九年十一月二十八日
伊沙機廠告白

啟者本館前者所印電報冊就碼釐然最稱精當是以一經印就購者莫不恐後爭先閱時未久早已一律沽清日來向時有人到本館問沽愧無以應爰再加工精印所有號碼編次均已細心核校不舛毫釐而且精益求精較於前者所沽之冊尤為美備 諸君欲有選購者請移玉至本館面商為盼本館告白

各款新巧麵飽

啟者本號所製麵飽久已馳名遠近其他係照英國都城新式甚為可口計有牛乳麵飽及白麵飽赤麵飽數種色色俱佳不能備述向為叻地西人所同稱羨 諸君定製可列單到來通知即能如數送交并無貽誤并常有製便之雪糕沽賣 諸君賜顧請即 玉臨小坡城多利亞街門牌第六號英國女塾對門本號內相商便得特此佈告

大清光緒十九年十月廿一日 蘇蘇峇嘉謹啟

象頭標蜜酒出售



啟者本公司由歐洲督辦象首標車先那密酒來叻專為實得力能仕商所用此酒氣味香醇且能煩解渴於實得力地土最屬相宜洵合諸君所用特將真標式列列報中俾諸君一覽而知按式購



取倘蒙 光顧請至番巴里街萬興號右鄰本公司細認象首標為記庶不致誤價極平特此佈聞

新嘉坡峇買公司謹啟 天

大英一千八百九十三年元月廿一號

酒蜜標旗上頂



啟者本行現承英京達丁南禮惹蜜酒公司之旗票蜜酒此酒業經致推究為第一上品其性清涼解毒飲之能令人心曠神怡誠蜜酒中之最佳此酒向由本公司代沽今助地然里直洋行暨各沽酒之店亦有寄賣諸君有欲購之者請向祈移玉前往選沽為盼此佈 聞

英一千八百九十三年元月十七號

慕娘公司謹啟

精理機器

J. LAWSON.
Consulting Engineer, Surveyor and Machinery Valuer.
MARINE CLUB.
Superintendent Engineer, S. S. Singapore.

啟者余素精於機器之學曾在英京考授機器師之職所有輪船估價及代理買賣火船並修理輪船火鑪等一切諸般機器莫不善為料理主顧不誤更能代 諸君查看輪船並督理製造各種機器等事 諸君光顧請移玉至士摩花園邊士丹士里街開水公司樓上本寫字樓內面商便得此佈聞

英一千八百九十三年元月十七號

然羅摩謹啟

頂上 呂咸酒 出售



英一千八百九十三年三月廿二月初三日

大清光緒十九年

春星尼公司謹啟

啟者本公司由歐洲辦到邊尼力頓頂上呂咸酒來叻發售此酒乃天主教大神甫所創製功能化痰下氣降食除煩且能解他酒之醉凡有飲酒過量者即飲此酒立能清醒故其精爽異常 諸君有欲購者請至葛士兄弟洋行隔鄰樓上本公司選沽為盼

上海

啟者本號親督辦各省綢緞線莊蘇杭綾羅縐紗本級粵新金銀甯綢滿漢朝冠紗緞絨領膠洲檀帽綉綉漢洲徐綾上海京洋諸物兼辦綉蟒袍朝裙品級補服披袖帳眉綉綉國門眉棹帷京庄各款碗帽漢口鴉片煙箱內烟吹風燈種種之器均皆齊整此箱乃做號新到而助他號未有此辦之際各欸時樣古仔朋虎班色鳥毛扇本級各貨色色俱備欸欸新奇不能盡陳諸 紳商光顧者請移玉至寶號坡衣箱街門牌第四十二號連四十三號細認本庄字號招牌為記庶不致魚目混珠也謹佈

大清光緒十九年八月十三日

新嘉坡衣箱街允章綢莊謹啟

光緒十九年十月十六日

香港中環文裕堂 上海拋球場華彰號 舊金山大埠永興號 星嘉坡漆木街南興隆號啟

其照華英書籍地圖發售 ○啟者鄭君階司馬其照學東人也華英文學俱備精深中外士人久經欽仰故屢為國家信任厥功偉行於乾坤現其所著華英書籍地圖寄交本號發售茲將各書目刊登如左 華英字典集成每部銀五元五角 英文成語字典集成每部銀六元 應酬寶笈每部銀二元 英語彙腋初集每部銀一元五角 英語彙腋二集每部銀二元 英語初階每部銀陸角 鑄銅板地球五大洲全圖每幅裱起銀一元此各書統華英之文字譯中外之要談書中發明妙蘊舉筆難宣書中指示捷途如師對語誠為度世金針尋津寶筏不愧而為百世師也業於鋼板印刷出售盛行華英各國中西人士莫不爭先快視稱為有用之書亦皆領有英美各國牌照無論中外人翻刻必加稟究此佈

丸藥生醫耶亞



THE BEST Family Medicine
CURE SICK HEADACHE, CONSTIPATION, Dyspepsia, Liver Troubles
EASY TO TAKE
PURELY VEGETABLE

The delicate sugar-coating of Ayer's Pills dissolves immediately on reaching the stomach, and permits the full force of the active ingredient to be speedily assimilated. As a cathartic, either for travellers or as a family medicine, Ayer's Pills are the best in the world.

Prepared by Dr. J. C. Ayer & Co., Lowell, Mass., U. S. A.

Every Dose Effective.
Beware of cheap imitations. The name—Ayer's Pills—is prominent on the wrapper, and is blown in the glass of each of our bottles.

The Singapore Dispensary, Ltd., General Agents.

九藥導消售發

比藥丸功效甚多有益於人者匪鮮蓋其藥能治頭痛食滯大便秘結以及肝經受病均能醫治厥功如神此丸乃用百草精液製成宜於腹食入腹之後藥即消化其氣力即遍布於臟腑故其效速而用神無論居家者宜所備之即出路之人亦宜携帶以備不虞之用至此藥丸博上玻璃瓶作有本醫生名字而包頭亦列有本醫士之名庶免為魚珠所混現此藥寄在寶得力境內係託星架坡藥房代售 諸君購用祈至該藥房採買可也此佈

西一千八百九十三年九月十八號美國醫生亞耶謹啟

船工打架 ○本坡遊旗山下附近雪廠之處昨有中船二艘均係載柴到此因兩船工役均欲先登彼岸互相爭競致成打架嗣經巡差趕至執獲數人解案現猶未悉作何訊辦也

粵泉來叻 ○現在會訊上控案件堂期將屆照例須填城桌司來叻得以三堂會訊茲悉嶼泉兀公已定於本日由嶼啟程來叻得以應期會訊上控案情矣

思婦成癲 ○癲狂之症不一其因六淫七情均足以召斯疾即所謂重陰重陽之說也然世人所以遽成癲症者要以所思不遂為多或戀資財或圖美色有懷不遂以至失心世之愚昧者流每每犯斯大害觀田基之致疾已足見其一斑矣田本閩泉同安縣人旅處叻中向在小坡正興街居住平日以行船為業詎於元春四日猝患瘋癲終日跳舞於途喃喃自語時笑時哭舉止失常有竊聽其哭者則言吾有醜妻何故被人誘走笑者則言天下多美人丈夫貴自立吾他日當列金釵十二享艷福於閨房云云緣是之故人皆知其因色成癲因有悉其隱者曾田於去臘在某中船內傭工駛至仙丹所屬之兒馬嶼中因與該處穆拉油女名意那者兩情相洽共約為夫婦田即欲剪髮而入於彼族嗣為勢阻以至其事不成回叻之後積想過深故致召斯癲症也噫癲哉

巾幗英雄 ○粵婦周氏向在吉隆居住不知其所操何業去臘由隆抵叻言欲尋僱傭人往隆工作因解僱定其同籍之陳姓黎姓二人議明每月工金五元當議定時陳黎二人語婦云現因歲暮逼人請凡需用求每人先給兩月工簡到隆之後按月扣回婦諾之爰各給以銀餅十枚并與訂定程期偕同前往詎陳黎二人得婦資後頓起不良之念意圖騙賴乃相與遁匿不知所之婦出而四處偵尋因聞人言此二人匿在柔佛地方婦聞耗即於十二日親身赴柔欲為尋覓詎至大吧窰地方適與二人相遇婦見之即責問其不來之故詎陳黎二人見婦獨行無伴以為佳弱可欺因出惡言肆其毀辱婦怒上前纏緝陳黎二人因恃其血氣欲執婦而毆之不意婦技擊素精身手復靈便異常陳黎二人均非其敵以故拳足甫交即被婦按之於地莫能少動二人至此知非婦敵不得已低首就擒婦因將此二人帶回丹戎巴葛友人家中著其寬人備資來償將其保出二人不得已乃函致其戚友四處張擲始如其數婦得回銀後姑不深究縱之而去

暴病送院 ○粵人李亞保向以牽挽手車為業十三日下午有葡人乘坐其車至小坡鐵巴虱前下車因囑李在斯小候詎未幾即見李昏迷倒地口吐涎沫厥狀甚危一時多人聚觀均不敢為施救嗣經巡差將李昇送醫院調治據識者云李所患之症似為羊癲時有猝然而發者實無足慮云

賭案叢登 ○近因時值新年諸工多暇恒作牧猪奴戲往往有因之被獲致罹金作贖刑者亦奚益哉十四日巡理府堂據訊賭案三起一在小坡梧槽路第二百五十二號門牌所獲計潮人七名係作翻攤之局一在同街第二百一十一號門牌所獲計客人八名係作寶字之局一在水仙門街第三十六號門牌所獲計潮人十三名亦係翻攤之局以上三起經府尊訊後均判各罰銀三元示儆

雷砲蝦蟆 ○天下物之異於常者非至寶即為大害是故鳥獸草木之妖常足以為人害然戾氣所積則往往召雷火之災者非必有神司其間也亦不過緣其兇戾之氣所以自相感觸耳距叻十二英里之武吉智馬路由大路折入里餘之譜有山焉山中有古樹一株大盈三抱蓋百年前物十一日下午四點餘鐘之際天忽暴雨俄而狂風陡作霹靂一聲將樹拔倒居民圍而集視則見樹腹已空內有蝦蟆一隻躍於其中其身約有五寸餘長實為罕見之物蓋已被雷所殛於是居民人等轟傳此物已成精怪故受天誅云云爰誌報中以質明斯理者

日娼罹罰 ○十四日伊曼二太守陞堂會訊日本娼寮被控一案被告與須馬乃小坡馬禮街第二百廿六號日本娼寮之主現為護署西書記所控因其私藏日本妓女與龜龜并不赴護署報明已屬有犯律章且該妓之年尚在十六歲以下此則又犯娼寮之律用特將其告發是日經兩太守訊定因判被告罰銀五十元該妓着交保良局內收養而案遂結

竊褲繫獄 ○林樂蘭漳詔安縣人向在小坡寶禮宜路某西人處傭工十三早約八點鐘時林方在樓操作瞥見樓下有步履聲初以為同伴適市言歸呼問為誰不應林知有異趕即下樓見有一人手持綢褲二條剛欲出門林知為盜即追出鳴捕將其執獲送交府案翌日府尊據訊畢判將其繫獄四十二日充當苦工

刑部覆奏審明革員假冒官階按律治罪摺 ○經筵講官刑部尚書臣松淮等謹 奏為遵 旨審明革員假冒官階按律治罪奏祈 聖鑒事據臺灣巡撫邵友濂緝獲交拿官犯何隆簡奏請送部治罪一片光緒十九年十月初二日奉 旨刑部知道欽此並經該撫派員押解何隆簡咨送到部當將收禁審訊緣由附片奏明在案復咨據軍機處將何隆簡原保原案各案鈔交前來臣等恭查光緒十年七月初七日奉 上諭翰林院侍讀學士溫紹棠奏遵保人才等語候選知府何隆簡著發往福建交何璟張兆棟差遣委用欽此旋據御史丁振鐸劉恩溥以候選知府何隆簡迹涉假冒先後奏參請 飭查該員履歷出身有無案據經吏部查明何隆簡由文章選保至府經歷縣丞有保案可稽由湖北改指江蘇候補有捐册可憑獨候選知府之案涉無實據等因具奏是年九月十一日奉 上諭前據御史丁振鐸奏翰林院侍讀學士溫紹棠保奏之候選知府何隆簡僅止捐職府經歷當諭令吏部查明具奏嗣據奏稱該員候選知府之案查無實據查何隆簡謝恩時所遞履歷竟敢將同治六年兩次保舉從九品府經歷縣丞之案捏造為保換花翎知府之案肆行欺罔藐法妄為情殊可惡何隆簡著革職拿問解交

刑部治罪等因欽此欽遵當由臣部咨行各該督撫一體查拿去後現據邵友濂將何隆簡拿獲解部臣等以該革員係奉旨拿問之犯罪情重大迄今數年始行緝獲當即派司員備案嚴訊據何隆簡供稱係安徽太湖縣人於咸豐十一年投効霆軍隨同鮑超管帶親兵同治六年因克復廣東嘉應州出力案內保舉從九品遇缺即選並賞戴藍翎又是年隨剿湖北赤隆阿捻逆獲勝案內保舉免選本班以府經歷縣丞留於湖北補用並賞加鹽運使銜隨例報捐改指江蘇補用十三年經福建漳州鎮孫開華調赴廈門辦理防務復隨往臺灣剿撫番社光緒六年經鮑超調募軍辦理山海關防務派充幫辦營務處旋經遣散伊於十年六月間來京親友見面問及是何功名一時糊塗以為官大體面答稱係屬候選知府嗣晤溫紹棠詢及海防洋務如何辦理情形伊盡已所知而言溫紹棠當加稱賞隨於七月初七日奏奉諭旨恭奉之下不敢不叩謝天恩當因溫紹棠已快行保稱知府遂於寫遞履歷時捏作保花翎知府仰蒙召見亦未敢赴部領憑旋聞風聲不好起即出京前往福建適海口封禁未能到省及聞被參一時行止無措回京則畏罪不敢前立功則効命無其地浮沉數載實負聖恩平夜自思罪何可恕本年秋間聞得臺灣生番不時出沒該處商務洋務需布置遂即前往欲圖効力贖罪致被拿獲等語臣等查何隆簡並未保有何府官階溫紹棠既非與之熟識往來何至以候選知府率行列保其中難保無謂託附囑重情復備嚴訊該革員堅供實止向親友妄稱官大希圖體面溫紹棠初次見面未經詳查遽行入奏是以於呈遞履歷時未敢聲明委無際混營保情事檢閱吏部查覆案據悉屬相符臣等復會同都察院大理寺親提研鞫該革員堅供如前案無通飾即擬結查律載詐假官者斬監候等語此案何隆簡原係由文童遞保府經歷縣丞向人冒稱候選知府致溫紹棠誤以知府保薦該革員遂捏造保花翎知府奉旨允准獎案緒源履歷固與平定詐為制者不同第明知所保官階錯誤並不據實呈明希圖混誠如聖諭所云肆行欺罔藐法妄為情殊可惡伏查詐為假官例以造有憑割者為重無憑割而意圖詐騙者次之但係圖騙一人圖行一事犯該軍流者即應擬絞該革員所犯較之圖騙一人圖行一事者情節尤重雖未造有憑割惟既經欽奉諭旨發往福建該革員即於召見之先捏寫履歷呈遞以實其事較之偽造憑割者情亦無異仍應按律問擬何隆簡合依詐假官者斬律擬斬候秋後處決事犯在光緒十五年三月十六日恩詔以前應不准援免係官犯仍恭候欽定所有臣等審明定擬緣由謹恭摺具奏奉旨已錄

渣甸輪船行期 ○啟者茲有甸渣火船名芝里打刺大有一千五百七十四墩於西本月十七號即華本月十二日由加刺吉打起程定於本月廿六號即華本月廿一日即能抵嶼上落客貨畢即展輪往 香港 臺灣 福州 上海 漢口 天津 等處 諸君有欲附貨搭客者請至本行相商為望 大英一千八百九十四年二月二十號 大清光緒二十年正月十五日 莫實德洋行謹啟

輪船往檳榔嶼 仰光 加刺吉打 ○啟者茲有英國印度公司輪船名拿未打大有一千九百四十八墩定於西本月廿一號即華本月十六日禮拜三由叻啟行前往 檳榔嶼 仰光 加刺吉打等處 諸君有欲附貨搭客者請至本行面議價甚相宜此佈 大英一千八百九十四年二月二十號 大清光緒十九年正月十五日 莫實德洋行謹啟

來稿照登 ○啟者十八號後榮合源裁衣店黃裕合因元月初六日酒後鬧事不守法口失辱乾泰成情實不堪乾泰成黃鉅合因往咁嗚嗚吠喇坐談回店發怒即往控告裕合酒後知非即請公親林德標陳繩武老爺兩位駕臨調取榮合源號黃裕合黃永合等情願受罰賠非乾泰成黃鉅合先時不許後被友人相勸方纔放寬所以公親調取罰榮合源號出助轉紙以表乾泰成清白此佈 大清光緒二十年正月十四日 十八號後榮合源號謹啟

實勝越招商承餉示 ○實勝越參政司麥 為招承餉碼事照得本國家現有以下所列各餉碼招人承辦為此示仰商民人等一體知悉爾等有欲承充此碼者其票當於西本年四月十六號即華三月十一日禮拜一上午九點鐘以前送呈以憑選擇至其餉碼係承辦以三年為期由西本年七月一號起算茲將各碼條開如左 一鴉片烟碼係在實勝越各境內地方由丹戎勝卓起而峇南港亦在其內其港計有三百七十英里之長 一賭碼亦由丹戎勝卓起而沙囊河亦在其內 一酒碼亦由丹戎勝卓起而沙囊河亦在其內 一所入之票務須書寫英字外用火漆封固票外書明呈交龜精實勝越參政司收閱字樣 二所入之票每碼須分條繕寫而後再合結其總數方為合式 三所有棄取之權悉由國家主裁不得執價高者得之說 四投得之人當各覓妥當保人保其如約而行 五有欲知其詳細情形者在叻可向代理人巴智申西蠻洋行詢問如在龜精實勝越則向本署詢問便能知悉各宜踴躍特此諭知 大英一千八百九十四年二月十七號 示

輪船往龜嶼 ○茲做有堅固快捷火輪船一隻名永安訂於本月十五早七點鐘啟行前往龜嶼即廣東人號曰姑蘇者蓋欲備諸善信附渡到彼參 神禮佛極為利便如有願往者請祈早日移 玉到做折單船脚平宜往回每名收銀三角特此佈聞 大清光緒二十年正月初九日 源順街安和號謹啟

大清光緒二十年正月初九日 源順街安和號謹啟

山東賑捐告白

○啟者本委員等奉上海賑捐總局 奏調山東會辦河防賑撫事務江西候補道馮 札委親赴南洋各埠勸辦山東賑務所有捐例概照現在推廣章程辦理凡屬虛銜封典等項折實二六四算茲本委員等已携帶實收到勸業經稟奉 總領事府黃發給示諭在勸勸捐在案除將捐登另行刊發外用特刊佈告白俾眾咸知倘 諸君有志願揚者請到本局面商所有未盡事宜請親捐章便悉茲將 總領事府示諭照登如左○欽加二品銜軍機處存記分省先用道新嘉坡等處總領事府黃發出示曉諭事現准 奏調山東會辦河防賑撫事務江西候補道馮 咨開奉山東撫憲福 行知東省沿河各屬上年復遭黃水災廣賑繁仍難停止 奏准再行展辦一年茲有候選從九鄧廷鑾福建候補府經歷李松年歷在廈門汕頭各處襄辦山東賑務尚無貽誤現在東省遭遭河患饑民待賑需款更殷稔悉南洋各埠寄寓華 僑急公好義用特札委並給發實收餉令該員等携帶前往廣為勸募期裕東賑相應咨請出示曉諭俾各該埠華商紳富踴躍捐輸以裕賑需等因為此出示曉諭我華人等凡有急公好義志切顯揚者祈各踴躍捐輸以拯災黎以培福田切切特諭

大清光緒十九年十二月初三日 局設華民政務司署後街即同濟醫院右鄰 駐勸勸辦山東賑捐委員鄧李啟 卅

尋子告白

○啟者權吳姓字高逢子名協字雅嵩廣東新會縣西村人父在西貢朱篤準營生光緒九年子阿協由埠回華抵家與媳張氏團聚數月旋於光緒十年二月對妻言返朱篤準父處貿易乃是年六月媳張氏產一子名社焯有書來言媳夫回翁處等語權聞而驚訝以子未有到舖必亡走他處因尋訪數載並無踪跡前數年媳張氏到來尋夫寓於朱篤準去歲七月鄉中接子阿協付妻其書備言在柔佛地方新埠內某金店僱工則權子托足似有下落惟柔佛之地寬遠未知子居何埠如有親朋及四方 君子查知權子阿協行蹤促令歸見父母妻子或帶同來西貢南和合權店處其水脚各費用一切送回外另謝花紅銀五十元大元以報大德決不食言此訂是實再如汝阿協或在某埠不願返唐祈即到石叻牛車水普泰來戲班詢問余文山便悉或付信交該處亦可併此佈告

大清光緒十九年十月二十日 西貢南和合吳阿權謹啟 卅

小輪出賣

○啟者本機器廠近有新製小輪船二艘出售該船一名基里排係用惹智木製就船底係包銅板甚為堅固計船身長四十五英尺闊九英尺深四英尺三寸食水深二英尺四寸有大客房一間在於船頭甚為華美船尾更有貨艙一間其水鏡甚巨係為銅製而機器甚為堅固且殊靈便每點鐘能行九英里半此船用以來往內河或附近小埠最為合式又一艘名曰羅池亦為新製概用惹智木裝就而包銅板者船身長四十一英尺闊七英尺六寸深三英尺九寸食水二英尺六寸每點鐘能行九英里以上輪船所用機器係英京著名巨廠照法製造并經機器師親為監督是以美備異常現此二船一切均已預備可以立刻展輪統計南洋各埠小二船其輕捷之處無有能出其右者 諸君有欲看閱請至甘榜麻六甲本廠內詢問便得特此佈告 大英一千八百九十三年八月三號 來里亞兀禮付機器廠謹白


本號輪船往來各埠定期列如左

在各埠往實叻日期 在實叻往

麻六甲每逢禮拜一五日下午四點鐘開行 由麻六甲往芙蓉每逢禮拜二六日中午十一點鐘開行 由芙蓉往吉隆坡每逢禮拜二六日下午六點鐘開行 由各埠回實叻即

日 由吉隆坡回芙蓉每逢禮拜一四日下午四點鐘開行 由芙蓉回麻六甲每逢禮拜二五日上午十點鐘開行 由麻六甲回實叻每逢禮拜二五日下午四點鐘開行 另有輪船在叻往麻六甲吉隆坡實蘭午每逢禮拜五三點鐘開行特此佈聞

豐源號謹白




鐵櫃

啟者本行所售之鐵在檳本坡馳名已久素蒙 諸君購用無不盛稱其妙計此廚之大小共有五種而價費最少亦在一百元以上而此鐵櫃乃歐洲著名工師所製極為美善本坡所有西人齊習人以及洋商生理諸華商多向本行購買以為貯銀之用因本行所沽者均用頂上物料製造而成不惟能壯觀瞻且異常堅固無論火燒盜劫均保無虞貨美價廉莫此為甚倘諸君有欲購此廚以收藏重寶可至本行選閱是幸此佈

英一千八百九十年元月四號 不殺呼魯公司即前 加珍目不殺公司謹啟

售發酒蜜



啟者本行由歐洲辦到上等密酒來叻發售其酒甚佳茲將標頭印出請君光顧所為細認免致有誤近聞有無恥之徒假冒本行鎖匙標頭希圖目魚混珠最堪痛恨今本行再行核定於酒樽木枳內加鐵絲行形以示分別倘諸君有知何人假冒到請本行轉明即謝花紅銀二百大元經官訊定即能給發斷不食言再此酒不能販往

他各埠均能運往此佈

大英一千八百九十三年五月廿六號

大清光緒十九年四月十一日

明鳴也洋行謹啟

售出酒地氣在標單上用法



BEEHIVE BRANDY

TO BE HAD OF ALL WINE MERCHANTS

啟者本公司親由法國督辦頂上好萬國酒來叻發售其酒清香濃郁醇厚異常飲之誠可令人長血氣壯筋骨悅顏色妙矣無窮今市上所有萬國酒無有能出其右者誠佐饋中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有欲購之者請早至惠臨沽買是幸

大英一千八百八十八年六月二十號

大清光緒十四年五月十一日

明鳴也公司謹啟

售出品三




啟者本行督辦歐洲馳名三品洋酒來叻發售其酒係白頭款式實伴有年沽飲 諸君莫不稱其香爽奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內有小紙包頭計華字新嘉坡明鳴也公司者始無誤若此字樣即係假冒請為細認此佈

大英一千八百八十五年十二月十九號

明鳴也公司謹啟

售發櫃鐵名馳



啟者營生之道所最要者則惟儲蓄其次則惟保險然必須有以善其始無慮外此本行鐵櫃所以為 諸君之所共賞也啟者本行所賣之鐵櫃久已馳名於四方一帶而於叻求則聲名尤著至本行所賣此等鐵櫃已有三十年之久其製法為堅固保能避火且其地輪甚妙斷非盜賊等所能開計其固全身均用鐵製成並無雜以木料且諸櫃自前至今均為一式堅固耐無有優劣之分至於各別大小不一而價則約一百兩至四百兩凡用之者可保其不礙焚燒即火災亦無所損本行之鐵櫃實為叻坡諸華商所喜購而本行每年所沽亦殊不鮮茲特為之錄佈倘 諸君有惠顧者祈即至本行選購為荷

大英一千八百八十九年十一月廿八號

賣發酒密烏



啟者本行向由英國督辦各種美酒來叻發售久已遐邇馳名茲復由英新辦到顯爾士斗雲字號之狗頭標烏密酒到叻應店此酒香爽異常不惟飲之可口且能保養精神調和血氣實為飲中上品也 諸君光顧應細看以上所列之狗頭標庶不致誤且價甚相宜倘 諸君有欲飲者請至本行取用可也此佈

大英一千八百八十八年八月十五號

明鳴也洋行謹啟

